



977460

江潭漁唱

長亭怨漫

豐城村詠紫牡丹

富貴花開恰消得一種人間金紫渾似山在虛無
披綃見妃子相對久天香暗動漸搖曳晚風幽細
粉蝶飛來黃蜂拂去總添伊媚想應是第一名
花特新降芝泥自青帝多少姚黃佳種在上林煙
裏爭忍爾薇垣遠隔傍此村顏色如綺却共荆樹

江潭漁唱

同芳數枝相倚子寓有紫
荆一株

浣溪紗



憶昔

十五垂髫覆額齊慧心梳掠稱時宜記曾相見綠
楊隄好是蕙蘭初吐秀自應鸞鳳得雙棲比肩
人立畫樓西

阮郎

舟次金陵

蓬窗無事旅情慵破愁書味濃起看疏柳薄陰籠



遠山低數重 行古陌趁秋風水聲沿澗東漁人
曬網夕陽中亂鴉飛在空

醉花陰

阻風六合

一葉扁舟江上去拋却閒愁緒無奈又西風吹折
蘆花人與輕鷗住繫纜且行隄畔路蟹斷凝朝
霧購得幾尖團沽酒何方柳外青旗露

如夢令

舟行江中

江潭漁唱

二

帆影浪花留住岸腹雲光飛渡和醉入寒衾一片
離愁誰訴辜負辜負月滿借團深處

借團之名

鄰有團與子宅相通因以

滿庭芳

雁來紅

卸砌斜偎雕欄低護霜後如許鮮紅仰看飛雁一
一正凌空莫是銜蘆有血迴翔處點染初濃榆關
遠帶來秋色爛漫滿芳叢重重疏柳外猩痕乍
暈翠色潛融似美人粧罷暹下簾櫳怡值來賓時

中
候抱離恨絳袖臨風音響渺含羞欲問頰入臉霞

謁金門

夏闌

蕉蔭好遮斷綠窗清曉半曳冰綃慵起早淡粧人
窈窕避暑前軒塵少自度清歌嫋嫋紈扇交風
臨曲沼却憐雛婢小

長亭怨慢

庚戌十二月初五日大雪

江潭漁唱

三

朔風緊重衾先覺一片清愁乍聞哀角曉起樓頭
玉塵無數向空落眼前松檜都異樣瓊枝卓留得
幾時看却恐被陽烏消鑠寂寞望鄒枚不至獨
自倚欄高酌尋梅有興正到處筆堪披鶴想鐵甲
冷徹邊兵對千里寒雲蕭索笑白戰書生佳句時
投囊橐

翠樓吟

微雪飲胡頌平家見其襁褓之子

微雪因風嚴寒入袂行行正逢膠漆閒居多跌宕

更相對丰姿古逸傾談懷抱喜紙閣初開酒香欲
溢流連久分曹射覆銅壺聲滴 爲問何處呱呱
知鳳雛方誕定爲英物攜來文葆麗捧千里良駒
初出朦朧醉眼見頭角軒然英奇無敵持尊酒笑
呼安國此兒殊特

浣溪紗

睡起春慵捲幔遲畫眉深淺鏡奩知對郎梳掠問
時宜 半桁衣輕籠薄日一鑪煙細漾微颺紫荊
花下立多時

仁潭漁唱

眉峯碧

四

王子客揚州得湖北武昌被賊圍困消息

感賦

旅館方岑寂硯冷冰凝滴一盞清醪萬斛愁正悵
望寒蟾夕 烽火傳消息倚劍情空鬱數尺寒衾
倦欲眠淒涼怕聽風吹壁

鷓鴣天

睡起藤牀白日高花階閒立自逍遙蟻銜餘粒將
歸穴燕啄香泥更補巢 烏几淨麝煙飄一襟幽

思坐來消斜行矮紙書齊語清簟疏簾讀楚騷

浣溪紗

題秋海棠

瘦石疏花掩映宜美人欲折下階遲秋風小院斷腸時
生近玉簪通暗馥隱來金井動幽姿一天

涼露影參差

百字令

金陵吾友張子磐名祐宗善隸工小詞全

家殉癸丑之難賦此以當一哭

江潭漁唱

五

金陵僑寄子磐居一見當年如故抗爽時人真莫

及數語便傾肺腑樂府填詞扇頭作隸翰墨還憐

汝記曾秋曉分攜桃葉官渡方約過我揚州時

客揚州重開襟抱繫舫紅橋樹杳杳春雲人不至

轉瞬長江金鼓大吏知幾方伯楊公奉詔布衣

殉

國骨肉成灰土縱教安靖那堪重過庭宇

菩薩蠻

詠春草寄顏子嘉

青袍著絮春寒重池塘幾度成詩夢
頗憶鄭康成
滿階芳草生
昨從盤馬處
閒看東風度
一路翠
煙霏王孫尙未歸

浣溪紗

癸丑迂道由三江營渡江將至泰州道中

作

微雨纖纖鷺浴塘
癡雲漠漠雁分行
予至興化三弟至如臯
風光心事總淒涼
戰鼓時聞聲震遠
香閨遙憶

線添長

道中適逢冬至

車兒輕載客中裝

江潭漁唱

六

又

懷友

幾疊殘編手校頻
荒齋惟與一燈親
舊時朋輩見
無因
偶滌松煙因愛硯
不施櫻拂爲書塵
巡簷時著靜中身

杏花天

新燕

落花點點霏庭宇
驀聞得商量
軟語等閒飛入翠
簾中
畫棟立移時
瞥爾去
穿煙樹
將投何處

無過鶴汀鳧渚往來渾不管人愁依舊趁東風恣
意舞

浣溪紗

題夢華詞

旅館深宵獨寐遲秋風颯颯滿階墀挑燈起誦夢
華詞手到自然無俗韻曲終猶覺有餘思此中
三昧倩誰知

眉峯碧

村居懷友

江潭漁唱

七

中歲逢憂患舊雨傷離換漠漠溪橋一水深恐未
抵相思半跡往今猶念意重人空遠欲往從之
棘滿途連朝又被窮愁絆

好事近

秋晚

落日照平蕪行過斷橋流水多少白雲紅樹正小
樓人倚牧童歸去澗邊村隱隱暮煙起藉地便
傾尊酒待月明墟里

望江南

癸丑以來避寇村居卽景興懷因事紀實
每月各綴望江南一首

村居好珍重賀年時紅棗一甌先酒饌粉糕雙裹
餽親知賓主好追陪

村居好屈指幾番風文杏紅開池影裏平蕪青入
燒痕中從此務農功

村居好人在暮春天新秀麥苗聞雉雒無多桑葉
見蠶眠游女意悠然

村居好披得袷衣輕打麥光陰風驟暖秀蕝天氣
江潭漁唱

雨新晴時復聽鳩鳴

八

村居好藹藹熟梅天野竹籠陰清似水新秧露穎
碧於煙池上乍聞蟬

村居好野逸興偏濃兩部青蛙蘋葉裏幾家烏犢
柳陰中溪澗水淙淙

村居好河漢正茫茫七夕盤陳瓜果淨數家門掩
稻花香風露一天涼

村居好攜耒入山中綠豆細沾三徑雨白棉輕落
一畦風幽處屐偏通

村居好荒寂是秋
墜月浸廣場征雁影霜凝破屋
暗蟲聲木葉又彫零

村居好天氣小春融
雀躍前軒新納稼
鴉遮古木尙餘楓門巷乍聞春

村居好農隙戒荒嬉
幾輩負暄朝織屨
三更篝火夜鳴機檢點禦冬齋

村居好蓬華晝常扁
遠岫出雲初釀雪
巖風吹水半成冰人著緼袍輕

唐多令

江潭漁唱

中秋無月寄汪子符

九

日日做輕陰秋風生水濤
欲尋詩何處堪尋林外
木樨花漸放便參透靜中心
涼夜更沈沈柳邊
茅店深正中秋無限蕭森
回憶鄰村汪處士應泛
酒聽疏砧

六么令

接內書却寄次小山詞韻

惱人天氣微雨絲絲落料知繡成
縈袞袞許雛鬟
學消瘦春來幾許定向腰肢覺
萋萋芳草王孫何

處暗數歸期指偷招
鸞箋情事宛轉筆妙將子
答看取字字勻圓光映珠簾
押墨跡猶多淚漬青
烏來時霎此書渾似迴文織
就讀盡中央又從角

臨江仙

舟師之江西

千艦鯨鯢彪雁諸軍熊虎
貔貅綰符持節豫章游
將軍天上下郡邑掌中收
草檄人皆指臂臨江
地盡咽喉千城從古屬公侯
殲渠鳴鼓角聲遠落
旄頭

江潭漁唱

滿江紅

贈袁遂生

滿眼兵戈偏難是儒生
俠骨吟誦暇還能排難風
流特出筆底於今浮劍氣
春華自古兼秋實信此
人才大好投艱承平日
曾攜手歡心得纔聯榻
水疑釋但時揮玉麈言
皆有物氏父家山今想望
華陽福地真峭崿藉濁醪
從此訂知交胸懷直

滿江紅

贈句曲笪庶咸

戰勝天人英雄士多由克已看義在偏能勇往擘
峒劍倚賤視功名成雪淡怒揮旗幟搏風起率鄉
人殺賊是臣心誰能比 差堪住鳴珂里多應是
天隨子更虛懷結納坐中佳士慧識堪興行自遠
澄觀書畫心偏喜諒盡懷應笑我無能書生耳

風入松

郵呈夏丈鄴林華亭官署

曾聞躡跡九峯游高處不勝愁一聲長嘯春山碧
攬蒼煙隨處勾留猶有陸機餘韻依然張翰風流

江潭漁唱

上

嗟予真欲遠相投望極水雲浮一襟幽思憑誰
說擬春來好放扁舟陪侍先生杖履詩壇同訂千
秋

風入松

戊午冬晚發姚橋夜分投宿洲莊

小車重過畫橋東回首兩三峯白雲橫抹疏林外
任西風吹淡暹濃寒水半溪深碧斜陽一片餘紅
長隄曲曲路相通歸去賣魚童不知何處清歌
起裊餘音流入霜鐘茅屋村尤如豹夜深燈火籠

櫳

念奴嬌

卽席和虞月溪

從軍數載悵鏡歌騎曲謳吟未歇磨盾信州戎幕
裏草檄曾襄戰伐壯士褰旗書生橫槊一怒衝冠
髮間關戎馬不如歸臥林樾潦倒江海餘生相
逢知己更對樽前月行樂及時須秉燭金井碧桃
花發抵掌論兵登高作賦神采俱飛越伯生詞客
恰懸金谷詩罽

江潭漁唱

眼兒媚

江上春望

茅茨而外是平沙沙上水雲遮荒橋斷浦杳無人
跡春在梅花潮來潮往扁舟小容易夕陽斜江
頭極目王孫何處芳草天涯

醉落魄

賊退登北固山次鶴林詞韻

渡頭漁者春深又見汀花謝荷錢幾箇迎清夏白
鷺多情隔水飛來也披圖欲把煙雲寫荒基海

嶽難酬價布帆愁向江頭挂箕踞岩坳人道是疏野

過秦樓

却寄外母張靜宜

雲謁江潭雪消村墅寥落賀正時候新繡繡軸閑
誦瑤章猶憶宣文口授慈範遠隔他鄉沙岸煙林
雲窗風牖想扁舟艤處曾隨潘岳畫堂稱壽都
道是堠火煙清滄江陣解華屋重來親舊愁聞扣
水尙阻妖氛會合參差難又誰念伶俚有人隨昏

江潭漁唱

三

江南懷思諸母但書傳一紙憑問起居安否

子婦陳姪

也女

踏沙行

白桃花

瑤島無塵玉笙有韻相依翠竹娟娟淨淡粧微笑
本天然月明何處尋花影清極還妍淡中逾靜
玉人嬌面還相映却疑劉阮正歸來銀雲飛上天
台頂

醉花陰

蘭陵舟中

綠水迢迢山隱隱
晝倚蓬窗穩
閑處著相思
遙計香闈雪藕清於粉
屈指歸期明日準
風與船相引
遙指柳陰中
落日胭脂紅
抹遙天盡

玲瓏四犯

閨中秋

厄到黃楊恰月朗
秋清留住佳節
十二回圓已占
一年澄澈
誰意桂子香
多分外
覺冰輪如雪仗管
絃吹盡浮雲再聽霓裳三疊
綵囊承露今逾潔

江潭漁唱

齒

遇涼蟾更難拋
撇依然
玉宇瓊樓淨
三五尋常差別
江上幾輩觀濤筆
較前番佳絕
願到秋長
閨如此夜情彌結

滿江紅

卽席同楊子安宋侶仙陳子勤賦

櫻筍厨開正
贏得小窗情話
數年來幾經磨折
風塵走馬
妻子重逢
如邂逅
知交偶遇
多牽挂
擬從今富貴視浮雲
神仙亞
春秋會雞豚
社縑細貴
文章價歎後來多少
英雄悲咤
摸索能知
惟沈宋

尋常相對俱王謝
願諸公努力愛功名清函夏
聲

贈曹掾廷

兵戈間隔歲月蹉跎相逢已是華髮水繪圍空懷
古正多憂鬱那堪重見舊雨握手時淚痕凝血憶
往事幸生全尊酒相期林樾見說高堂猶健膝
下兒婚嫁更須完結白眼江湖磨礪幾經塵劫怒
怒又將買棹指安宜片帆飛越再會晤定何時深
惜此別

江潭漁唱

一半兒

五

輕裝載得下南徐手檢詩囊歸敝廬小艇浮生三
日餘路縈紆一半兒江風一半兒雨

生查子

題蔣鐵琴畫折枝梅花插膽瓶中旁作墨
貓蹲臥狀

春意透寒梅月色橫金井一片綺香中夜靜貓兒
醒窈滕似傳聲作勢將跳鼎斜臥佛燈邊起撲
瓶花影

浣溪紗

春闈

少屣聲微出繡簾
月痕猶向暮雲潛
背人無語淚
織緜病起弄琴猶
勘譜粧殘擁髻自
開奩竹煙
花霧一庭兼

好事近

舟行

短棹拍清波
驚得雁兒飛起
又被茶煙縈住
對先生甫里
薰風吹送艷歌
來人面舵樓倚
染就一

江潭漁唱

三

襟澄綠入柳陰陰裏

如夢令

戰士

落日大旗風
掣秋水實刀冰
結戰勝臥沙場
鐵笛一聲吹裂
飛雪飛雪正飲
月支頭血

眉峯碧

薄命難勝福
多病常成哭
一寸心兒九曲腸
那載得愁千斛
巧笑能傾國
無計營金屋
欲證相思
兩化身池邊
看取鴛鴦宿

浣溪沙

題手拈桃花美人畫幅

雲繞仙源路暗通美人初下繡簾櫳拈來花片笑
東風杏靨微潮羞歛掩梨渦淺暈意嬌慵百花
深處一相逢

蕩陂塘

昌侯馮君少渠手馮烈女傳畧索題咸豐
十年逆破松郡烈女投三泖死卽君之
猶子也爲賦此闕

江潭漁唱

七

看柳湖濤潔如許世間誰與倫比冰霜鍊出閨中
秀只有女兒堪擬倉卒事誓全受全歸付與松江
水波瀾不起問古井爲心香泉濯骨烈女傳中幾
烽烟裏多少鬚眉遲死千秋誰洗斯耻此生不
受紅塵惋女港一泓清泚能若是庶可與曹娥江
上爭傳矣興嗟不已向蓴菜秋風手持杯酒來酌
女貞美

憶秦娥

村居望月

山疊疊清光漸吐峯頭月峯頭月夜深村落數家
晴雪臨風動我歸懷切西津回首空流血空流
血精靈來往甕城淒絕

一翦梅

歸寓

嗟食巢烏倦又旋飛過溪前投入林邊人歸邱壑
思悠然身住田園眼看烽煙傳家舊物是青氈
除却殘編只有吟箋一窗明月照人眠花自娟娟
柳亦纖纖

江潭漁唱

臨江仙

荒村躑躅鎮日無聊歸臥柴荆深宵不寐
執筆賦之以解寥寂

檢點叢書消永日悶來還出柴荆婆娑沙嶼又煙
汀蛛絲蟲倒挂松癭菌橫生惆悵歸來閒弄筆
悠悠一片秋心時看燈葉落孤檠宵吟憎鼠出曉
夢覺雞鳴

齊天樂

丙辰七月二十六日吾母七十壽時寓豐

城村賦此爲壽

一枝慈竹凌風健庭前百年春早萱茂瑤階瓜陳
綺席恰壽吾親難老干戈滿道有菽水歡凝萊衣
製巧挈領諸兒共持瓊笋進香醪當年時正六
十憶潘輿游覽焦公煙嶠姻婭筵開雛鬟扇拂山
色江光多少而今換了但鵲漢雞窗一村煙草大
臺重逢夕陽無限好

酌江月

寄李春生太守

江潭漁唱

七

先生去矣歎江山第一誰能管領召伯甘棠今尙
在行路流連起敬培植英才公爲太平洲設表彰
忠烈吉中丞兩三殉馬灣之難德澤千秋永西
風墮淚碑橫浮玉山頂慚愧識陋才疏當年承
教奉令空吟詠曾送輕舟江上別匏奏恐汚清聽
迴溯卿輝遙瞻雅範書短情難竟江南赤子何時
還覩明鏡

齊天樂

題陳子勤填詞圖中有姬甚麗

昔聞燕趙多佳麗

君落第自燕歸

而今玉顏何似箏笛淩

清琵琶哀怨白雪堪娛遊子柔情如水想載上鸞

和歸來鳳綺令德高言好將真意付宮徵君衡

漁唱最妙故人傾聽處神往無此檢討清才希夷

高臥千古合成雙美園林勝事正擊節狂歌琳琅

滿紙醉臥花前願呼昭諫起

長亭怨漫

有序

華君味之予石艾也弱冠投分以來迄今

三十餘年無幾微不協見於顏面中間避

江潭漁唱

序

寇村居艱難與其浮沈里巷道義相勗欸

洽之深百年一日回思生平締結之士嘗

出肺腑相示一若真可信者及臨利害如

昌黎所云擠之井又下石焉者往往而有

惟我味之淡泊相遭悠然油然無一事不

可與語其不亦鮮乎哉古人交際之常無

不如是而今則幾幾視爲奇節而不可必

得矣嗚呼俗情之幻一至於此味之何不

幸而竟得以此爲鮮乎哉是可慨已予爲

賦長亭怨漫且書於味之辛亥所繪小照
之扇頭以見今昔人情之不可恃而可恃
而兩人之盛衰亦因之而見焉非敢以此
形彼徒肆陽秋之論已也

歎光景忽忽易老利鎖名縲絆人多少廿載干戈
恍如秋葉被風掃藉消幽鬱惟一盞清醪好明月
逐人來已照見青絲半縞少小憶長河日落簫
鼓畫船歸早綵雲飛散只贏得者番懷抱擬料理
結伴山林共游詠春花秋鳥待遣此婆娑歲月娛
江潭漁唱

情幽討

滿庭芳

題楊澄齋北湖課耕圖

繡壤雲平綠波春遠一家長住樓臺滿湖煙景都
到眼中來剛好西疇有事荷鴉嘴耕破蒼苔垂楊
外漁人幾輩喚取老農偕悠哉千頃水陂池交
屬溝澮橫開看採桑纔了新稻須栽歸去陶潛種
秫樂高致有酒如淮良朋至高談稽事民本是無
懷

水調歌頭

題松下彈琴圖

成連今往矣誰爲我移情風濤渺渺何處松翠落
春晴喚得禿頭奴子抱取當年焦尾善手妙飛聲
花邑贊新治解慍覺風清坐文階閑煮茗聽瓶
笙驀然天籟疑是鸞鶴下瑤京縱使無絃亦妙惟
有北窗陶令幽趣自橫生白雪一終曲明月照江
城

瑤臺聚八仙

江潭漁唱

三

題烈女吳菊貞事畧

十載重逢吳季子相見泣涕漣漣手持文字空載
往事如煙憶昔干戈遭蹂躪誰知災難到嬋娟勢
難全且留清潔無愧蒼天平生操守似玉早幼
年飄誦列女殘編猛聽傳聞消息投入深淵烈女避寇
洲中聞父被擄遂投世間男子負義問誰似青娥
水死其實乃訛言耳

一念堅千秋事好探風勵俗青史名鑑

蝶戀花

煎茶

汲取中冷泉滿甕倒瀉瓊漿點點珠生蚌獸炭爐
中吟嘯動瓶笙宛轉驚詩夢一串新茶誰餽送
淪入花甕好作閑窗供試倩蛾眉纖手捧清腴算
是幽人俸

浣溪紗 雪

側側輕寒釀雪天江城沙溆屢吹綿風飄柳絮著
吟鞭 入地遺蝗應久滅貼雲孤鶴尙高騫一時
耕叟卜豐年

鳳凰臺上憶吹簫

江潭漁唱

三

朔吹頻驚密雲遙靄玉窗初見如無漸花飛六出
鋪滿庭除試喚小奚溫酒剛報道冰合瓊壺清寒
甚低垂綉幌更蒸紅爐徐徐約來和靖將共賞
梅花閑步林於翻笑牆邊山擁暉似我白了頭顱
迨征苦不如高臥雪壓蓬廬

後庄宴

焦山仙人杖予得二莖一自拄一贈細君
各賦小詞一首

馭氣排空何須憑仗多應拄到三山上拐仙行處

鐵生花織織化作臨邛杖 未曾學到飛升難得
空諸依傍偶藉箕箒聯步攀雲嶂更跨葛陂龍五
岳資閒放

蘇幕遮

贈細君仙人杖

數年華驚老醜徙倚蘭闥未便看花柳焦阜輕筠
曾見否仙植留遺應自西王母 攬青雲娛白首
翠篠嬾娟冉冉生林藪暫遣此君扶玉手細步春
風好與飛瓊友

江潭漁唱

音

人月圓

憶舊

尋幽獨自臨江住茅屋雨三間疏林古道棲鴉流
水一片荒寒 曾偕仙侶藏鈎酒國擊鉢詩壇燈
前微醉喁喁私語有箇雲鬢

